

常山貞石志二十四卷

7

清 沈濤 撰清道光二十二年 刊本

清道光二十二年

常山貞石志卷二十二

詔授朝議大夫直隸正定府知府今調廣平府知府前署大順府兵備道沈壽讓

元八

龍興寺重修大悲閣碑

碑高一丈廣三尺五寸二十七行行六十八字行書篆額有陰至元元年十二月立今在正定府城內隆

寺興

皇元真定府隆興寺重修大悲閣碑

皇元真定府隆興寺重修大悲閣碑

光祿大夫大司徒壽安山大昭孝國聖寺住持釋源

宗主法洪奉 勅撰

正議大夫禮部尚書致仕張國維奉 勅書

崇祿大夫大司徒住持大承天護聖寺廣慧妙辯樹
宗國教大師寶峯慧印奉 勅篆額

真定河朔鉅鎮其地惟禹貢冀州之域次大梁居易畢
之分戰國為趙漢隸恒山民俗尚氣節頗類燕薊故多
慷慨悲歌之士境內佛寺莫大於龍興其基創始於隋
今寺內□圖開皇舊址也金銅大士像始在城外大悲
寺石晉之亂寺為契丹所焚遺像僅存後周世宗毀以
鑄錢既而帝崩國隨以亡宋興於後伐罪河東師次漳
陽問其□□廢像□之故詔復之於是更卜勝地於龍
興寺範銅為像三十二相高七丈三尺四十二臂所執
之物皆有所寓以象大聖應變之迹陰陽莫測之神宇

以層閣翼以重樓仰而望之□化人官殿峙於煙空多
寶塔湧於平地經始之緒碑刻詳焉嗟乎由隋而唐唐
而宋宋而我朝七百餘歲矣而寺與像罹亂世而廢逢
治世而興其廢興之數抑有□□□□歟 皇元啓
祚北天混一四海世祖皇帝丕圖佛教以贊化育法乾
以易而易知坤以簡而易從之道為政尚仁厚而務寬
大是以其政不嚴而治無為而成和氣荐臻重熙累洽
更無弊於繁文□□□於苛擾故統元之治人以謂不
減貞觀之盛

仁宗潛邸嘗從 太后之懷園幸龍興登閣而望徒
倚久之既居春宮賜獲鹿之田畝五千為寺恒業既踐

天位以寺之大悲閣歷歲既久雖尚完固而欄檻腐朽
綺繪黯然蓋瓦級縛或破缺疎漏大士之像金彩飄昧
賜黃金貳佰伍拾餘兩鈔鑿為錢計者九千七百

詔殊祥院使阿剌卜花律師崇琛募工脩治諭燕南道
肅政廉訪司率總管府官屬視役未逾朞碧瓦朱欄金
碧流絢煥然一新如始作矣琛以寺之載興為銘于石
佛氏之教被於中國久矣其道薰百氏而一以貫之猶
江漢滔滔莫不朝宗於海其視諸子蓋衆流耳世俗徒
知道莫大於仁義教莫正於禮樂政刑焉知九州之
□□之表又有大而至于所謂慈悲之道蓋亦惻隱
之心而已夫樂以天下慈也憂以天下悲也苟能推慈

悲之道以及於人仁覆天下矣此大悲之像所為而設也蓋有觀□像而未知其義睹其迹而不察其道或謂其言為閎闊謂其事為□誕是惡足與游乎大方之外言乎至道之奧哉且天地之間概詭譎性之物何可勝數豈以人所□見遂謂誕妄乎世人徒知八彩重瞳蒙俱之面龍鳳之姿為聖人之表焉知聖人之心也其狀猶若此况聖人而神者耶是以國家建祠宇崇像設所以神其道鍊斯民之瞻望教之以敬導之以善也然則上棟下宇不為壯也綺甃丹雘不為侈也不若是不足以彰其道之勝且大焉琛傳氏無極人以律行稱銘曰
聖人制禮 莫嚴於祀 有國有家 于以致治 爰

神其教 使民知畏 葛伯弗恭 以及罪戾 西鄰
之祔 百福攸萃 苟無鬼神 豈徒為是 矧茲仁
祠 始於佛氏 教民以仁 莫斯為至 聿圖其道
以大厥寺 惟茲龍興 遺迹惟古 有重其閣
作于宋祖 大聖悠邈 道超象外 仰瞻遺像 悅
焉如對 惟聖與神 往弗在 感之以誠 斯與
神會 惟我

皇祖永言配命 永多福 以綏百姓 惟彼明哲
克以敬 惟此庸人 罔知攸信 惟昔
仁皇 龍飛九五 爰飾其像 載新厥宇 爰賜之
田 五千其畝 以樹以藝 維禾維黍 以奉清祀

食爾儔侶 爰致乃誠 以薦

天祐嗟我人斯寧不爾思 道在爾躬 佛豈遠而

勤爾道 何以報

國 弗勸以善 斯民何式 祠宇攸建 繁禧萃

爰錫吾民 永壽

天子陵谷可迁 福基無圯 勒銘茲石 庸昭煥始

至元元年十二月吉日龍興寺住持講主臨壇大德

講經律論沙門佛光國教大師容岩崇琮

右碑法洪奉勅撰張國維奉勅書住持寶峯慧印奉

勅篆額壽安山大昭孝園聖寺見元史英宗本紀英

宗即位是年九月建壽安山寺給鈔千萬貫十月命

拜住督造壽安山寺至治元年二月監察御史觀音
保鎖咬兒哈的迷失成珪李謙亨諫造壽安山佛寺
殺觀音保鎖咬兒哈的迷失杖珪謙亨竄於奴兒干
地三月益壽安山造寺役軍十二月治銅五十萬斤
作壽安山寺佛像二年八月增壽安山寺役卒七千
人又文宗紀至順二年正月丁亥以壽安山英宗所
建寺未成詔中書省給鈔十萬錠供其費仍命燕鐵
木兒撒迪等總督其工役戊子以晉邸部民劉元良
等二萬四千餘戶隸壽安大昭孝寺爲永業戶百官
志崇祥總管府有昭孝營繕司秩正五品天國二年
立壽安山規運提點所三年改昭孝營繕司案寺今

在京城西玉泉山西南荷葉山卽今之十方普覺寺也俗名臥佛寺法洪見英宗本紀至治元年二月丁卯以僧法洪爲釋源宗主授榮祿大夫司徒是也大承天護聖寺文宗本紀天曆二年五月以儲慶司所貯金三十錠銀百錠建大承天護聖寺九月市故宋太后全氏田爲大承天護聖寺永業十月立大承天護聖寺營繕提點所又至順二年四月發衛卒三千助大承天護聖寺工役順帝本紀元統元年十月奉文宗皇帝及太皇太后御容於大承天護聖寺至正十三年三月詔修大承天護聖寺賜鈔二萬錠又后妃傳文宗卜答失里皇后天曆二年十一月后以銀

五萬助建大承天護聖寺百官志隆祥使司秩正三
品天曆二年中宮建大承天護聖寺立隆祥總管府
至順二年陞爲隆祥使司秩從二品案寺在今京城
西三十里西山東麓元至正初燬而復修明宣德間
改名功德寺造寺本末見虞集大承天護聖寺碑文
載道園學古錄寶峯見文宗本紀至順二年正月庚
辰住持大承天護聖寺僧寶峯加司徒又虞碑謂三
年寺大成召五臺山萬聖寺釋師惠印特賜榮祿大
夫司徒主教於寺又云有勅命臣祖常臣集臣法洪
臣惠印製文以刻諸碑是碑係寶峯奉勅篆額其著
名作寶峯慧印知寶峯印慧印之號學古錄慧印作

惠印者謾也當從此碑爲正又虞碑所稱法洪卽此
碑撰文之釋源宗主也碑云仁宗潛卽嘗從太后之
懷剛幸龍興登閣而望徒倚久之旣居春宮賜獲鹿
之田畝五千爲寺恒業云云案仁宗本紀大德九年
冬十月成宗不豫中宮秉政帝與太后出居懷州十
年冬十二月至懷州十一年春正月成宗崩時武宗
爲懷剛王總兵北邊戊子帝與太后聞哀奔赴二月
辛亥至大都五月甲申武宗卽位六月癸巳詔立帝
爲皇太子太后卽順宗昭獻元聖皇后也事蹟具后
妃傳攷元史武宗封懷剛王以大德三年出鎮北邊
太后與仁宗留京師至大德十年成宗卜魯罕皇后

始謀貶仁宗母子於懷州蓋懷州爲懷州之別名據此知武宗始封之地卽屬懷州矣又碑之殊祥院使阿剌不花卽延祐五年賜大龍興寺長明鐘錢記之昭文館大學士資德大夫功德司使阿剌不花也亦見至正六年贈思撰佛光園教大師碑武宗本紀天國元年九月乙亥立太禧院以奉祖宗神御殿祠祭秩正二品罷會福殊祥兩院亦載百官志又志云隆禧總管府至大三年陞爲隆禧院天恩元年罷會福殊祥二院以隆禧殊祥併立殊祥總管府尋又改爲隆禧總管府阿剌不花之爲殊祥院使尚在二院未經罷并以前

碑陰

二載上載三十四行下
載二十五行並正書

僧眾題名不錄

鄭銓神道碑

碑高六尺六寸廣三尺四寸二分八行行四十三字
正書篆額後至元二年四月立今在雲南尋甸縣東關外
文興橋北墓上

元故千戶鄭君神道碑

元故昭信校尉右衛親軍千戶鄭君神道碑銘

亞中大夫中書省右司都事兼_下筵叅贊官_下

賜進士及第奉直大夫_下叅御史王_下

翰林直學士中大夫知_下制誥同修_下

無國子祭酒歐陽元德

國家初以干戈平定中國一時豪俊風起雲蒸戰伐攻
取勲烈□□厥父死子繼兄終弟及所以修習□□
表功德而勲舊世家以□祿相讓光顯于時若鄭君
者蓋可穰列者□□□字方平真定靈壽人□□府
經歷贈資善大夫大司農卿常山郡公謚安僖諱守德
之孫資善大夫□□□左丞贈推忠□力功□
□祿大夫平章政事趙國公謚武毅諱溫之子至元二
十六年代其兄為□□□□大德七年復□其□
□□兒子克謙元統元年閏三月□□卒其年四月
八日葬□生貴家而□□□□□□四人長曰利□

○丞欽次曰樞密院判官鈺李曰
事鑄曰次居三初武毅曰
○鑄留養母榮陽郡夫人馮氏
世祖皇帝方畋柳林君徒見于行宮
上偉其容乃命宿衛

成廟未幾侍

成廟撫軍龍荒錫賚俊渥及嗣兄官當天下攝
○亦未嘗苟於其職

朝廷既建

大室歲常以十月剛日大享先期百官執事者賜湯沐
錢而吏卒亦均賚焉有司或不時給君上言祀者著誠

攷絜也今湯沐錢或不均賜非是自茲有司奉行唯謹
又嘗分董治橋于渾河以脩

乘輿秋獵既口霖雨水溢君所治橋獨堅完不壞 乘

輿安度勅賜酒餼及讓官家居作園亭於衡水之上疏

泉種樹逍遙杖屨日與里翁隣友投壺觴酒以自娛陶

然忘其為貴家也君性孝友武毅公薨時塋其鄉東北

原封樹石儀既嚴且固先世丘墓在某原者君復修治

垣墉鏤石表之俾子孫不忘其處有姊孀居迎養于家

親朋貧窶不能家者多賙給之君凡五娶王氏董氏岳

氏蒙古氏孔氏子男克順今尉趙之臨城女五適趙憲

李志順康中正皆官族子子二幼在室君卒時年七十

二從蔡武毅公屯□銘曰

□為顯姓 在唐充盛 相業輝華 軍細餘慶 於

皇天朝 神武開國 荷武毅公 應時豪傑 奮厥

才勇 南土是戡 活人止殺 萬生多男 君世其

官 遭時清罔 材蘊□施 孰究其成 凡代將家

傳及苗裔 或起爭奪 以隕厥世 偉哉鄭君 獨

與禮讓 刻石墓門 永光穹壤

至元二年歲在丙子夏四月九日□臨城尉克順立

石 黃山石匠曹瑛趙珪刊

右神道碑銘蘇天爵撰王士熙書歐陽元篆額男克

順立石撰碑人姓名全勅文載滋溪文彙知是伯修

無疑碑文間有殘泐以集本補之元史天爵傳元統
中拜監察御史遷翰林待制尋除中書右司都事兼
經筵參贊官碑列銜正與史合書碑人王字下似是
士字當為士熙元史王構傳子士熙仕至中書參政
卒官南臺御史中丞泰定帝本紀泰定四年以治書
侍御史王士熙爲參知政事文宗本紀致和元年七
月燕帖木兒執參知政事王士熙下之獄九月流於
遠州天國二年放還鄉里至順二年復錄用茲碑建
於順帝後至元二年其列銜監察御史當是放還後
錄用之官碑云世祖方畋柳林君從見於行宮上偉
其容命宿衛成廟未幾侍成廟撫軍龍荒云云攷世

祖本紀至元二十二年正月帝敗於近郊二月乙巳
駐蹕柳林銓蓋於是歲侍武毅入觀已見武毅公神道碑又成
宗紀至元三十年受皇子寶撫軍於北邊碑云撫軍
龍荒當卽是時方輿紀要柳林在遼縣西元世祖至
元十八年如遼州又如柳林自後皆以柳林爲游畷
之地建行宮於此

安贊神道碑

碑高六尺四寸廣二尺九寸三十六行行七十五字
正書篆額失拓至元三年五月十三日立今在樂城
縣城東墓上

大元贈中順大夫中山府知府安公神道碑

中順大夫前蓴麻林諸色民匠提舉司提舉張澍書

奎章閣學士院侍書學士中奉大夫同知經筵事尚

師簡篆額

奉議大夫大都副留守安玉推恩加贈其父贊中順大
夫中山府知府上騎都尉追封武威郡伯妣李氏追封
武威郡君顧猶慊然以先德泯沒無聞為懼□□□□
□□□□□□□□追念□親豈有窮乎人亦孰不有子子
賢乃不可必於天人亦孰無賢子子賢而能官乃不可
必於天子賢而能官矣遭國家有封贈令典以勸孝勸
忠□□□□□□□□□□□□□□而能□□□□適遭
其時以克遂其顯揚名之志非先世積德累仁裕于
後嗣能有是哉易曰積善之家必有余慶予微之安氏

而益信矣謹案安氏世家真□□□□□□□□
可知□□祖考諱全高祖妣蘇氏商氏曾祖考諱元曾
祖妣梅氏丁氏三子曰宜曰興梅氏子也曰德聚丁氏
子也祖考諱興祖妣郝氏王氏三子曰仁□□□□
□□子也贊□□□曰瑞□□奉議君也季曰獻安氏
□祖塋居樂城之東鄉之長老猶能言是家高曾世有
隱德人皆□為善士云祖考興美姿容□□間童幼岐
嶷下□□□□□□書文務述大義□□子之風
邑中耆舊咸器重焉宗族有相陵者不與校益自反為
仁禮之歸陵者慙服由是家道益裕遂遷祖考葬于祖
塋之西□□□公孝友仁□□□忠□□善□求

人知聞□善若已有之聞人惡不忍舉諸口宗姻黨里
患難相恤凡貧乏即不責償助人嫁娶給人喪葬常
若有所不及斯可謂賢也已矣奉□□為留守判□□
嘗贈公□□大夫趙州知州驍騎尉樂城縣子母李氏
封樂城縣君四年之間加封四品益有榮耀天之所以
報善人者為何如邪奉議君自幼已□□不凡請書過
日成□以戶籍隸留守司□年□□□費自□□京師
是時□守也請院使一見大奇之未幾錄其才能選充
修內司直長會

仁宗皇帝創修大普慶寺院使實董其役院使則曰安
直長可任即俾佐已督工前後受賞賜幣帛八十餘疋

諸幣餘萬緡□□三年三月陞進義校□修內司副使
□□□□□□□□□□□□□□□□

英宗皇帝創修大壽安寺有

詔命修內司副使安玉繪新寺小式進呈比進呈

上大喜時伯勝平章大□都平章交口薦舉之未幾賜
褚幣五千緡且俾乘驛歸娶史丞相外孫趙氏女比還
都又賜幣帛四十餘疋天曆二年進昭□□□修內司
大使

文宗皇帝方銳意創興大承天護聖寺選舊常有功者
僉曰修內司大使安玉真其人也於是

上自題其名俾充管繕提點以任興修之役任事以來

凡裁省冗費以繕計者積五十萬餘留守張金界奴察其公勤庶幹每

奏譽之至順元年進營繕司司令前後賞賜褚幣凡五千緡幣帛二十餘疋白金一百兩金帶一繫是年十一月留守臣張金界奴暨平章政事臣明里董阿特奉

詔旨若曰大承天護聖寺比至畢工營繕司司令安玉可陞大都留守司判官俾封贈其父母所以報也至順二年九月陞留守司判官封贈考妣□前所稱述元統二年陞副留守而考妣封贈又加陞於昔時文皇天語之重著於當時申於今日使為臣子者若明若幽蒙頌福澤未知紀極為人臣子而不知勸孝勸忠者能不有

感於此矣抑奉議君雖賢當

仁皇之世微也訥院使則其名不章當

英皇之世微也伯勝平章則其功不顯當

文皇圖任舊人之際微金界效留守則其官不能達而

恩亦不足以榮其親夫然後知有上

聖主之明而下不可以無賢臣之助而所謂賢臣者以

一身事君其為忠也小以舉賢事君其為忠也大矣予

竊以為今天下之廣郡縣之口每病口無賢守令以興

治功口口口口奉議口落落數十布置郡縣則必能移

忠

君事佛之心以敬于

天以敬于民而治化之興可指日而□也奉議君異時
為賢太守以福民為賢公卿以贊

國則安氏封贈之榮不止如今日所觀而已也奉議君
初娶郝氏繼趙氏三子曰鐸曰鑑郝氏子曰欽趙□
子也乃系之以詩曰

子之有能惟父之教繼世揚名惟子之孝惟教與孝相
遇良難惟賢易嗣匪法何觀懿彼樂城有焯安氏積德
累仁式克永世有潛□耀有屈其□不愧□□不忤于
人服事

累朝克忠克敬大臣曰能

天子曰令忠敬承休有隳自

天恩覃考□職是綿綿

聖言如絲出如綸綽申福無疆爰錫爰賚養茲先世餘
慶攸鍾繫侯是建繫伯是封由伯階升恩隆有數尔侯
尔公俾克歆慕樂陽墓道有虎有羊刻碑列銘永久勿

忘 逸民嚴□譔

至元三年五月十三日男安瑞等立石修内司□領

下 邵□□□□□□□刊

右碑張澍書尚師簡篆額男安瑞等立石撰文者為

逸民嚴某名已剝蝕不可辨張澍嚴某皆無攷百官

志有典和路尋麻林人匠提舉司提舉一員澍列銜

有前字其為此職不知在於何年師簡元史附其父

尚野傳傳云師簡中奉大夫奎章閣侍書學士同知
經筵事圭齋集附錄張起巖歐陽原功父龍生神道
碑譔於後至元元年師簡奉勅篆額知當時館閣鉅
製多其手筆矣碑係安贊神道碑贊之卒葬存年一
一失書而文中所序皆其子安玉奉詔造寺遷官事
碑中所稱奉議君者卽安玉也碑字頗多殘泐樂城
縣志僅錄其銘詞今據縣志所有者以補其闕也訥
院使其事蹟未詳當是崇祥院使守上泐一字當是
留字百官志崇祥總管府秩正三品至大元年立大
承華普慶寺都總管二年改延禧監尋改崇祥監四
年陞崇祥院泰定四年復改爲大承華普慶寺總管

府天監元年改崇祥總管府又大都留守司秩正二品有留守五員副留守二員其屬有修內司秩從五品領十四局人匠四百五十戶掌修建宮殿及大都造作等中統二年置至元中增工匠一千二百七十二戶提點一員大使一員副使一員直長五員攷元大承華普慶寺卽今之寶禪寺在京師內城西城崇國寺街西寶禪寺衙衙內蘇耶雜抄云成化庚寅供用庫內官麻俊買地治宅掘土得趙承旨碑始知爲寺基復建殿山門具闡於朝改賜額曰寶禪寺元史武宗紀至大三年四月改大承華普慶寺總管府爲崇祥監仁宗紀至大四年十月賜大普慶寺金千兩

銀五千兩鈔萬錠西錦綵緞紗羅布帛萬端田八萬
畝邸舍四百間皇慶二年七月賜普慶寺益都田百
七十頃祭祀志神御殿舊稱影堂影堂所在順宗帝
后大普慶寺仁宗帝后亦在焉是也又造寺本末具
詳姚燧及趙孟頫大承華普慶寺碑寺蓋爲裕宗妃
徽仁裕聖皇后報德而作大壽安寺及大承天護聖
寺已詳後至元二年法洪撰龍興寺重修大悲閣碑
跋伯勝平章大日都平章宰相年表不載元史有王
伯勝霸州文安人仁宗時拜遼陽等處行中書省平
章政事當卽其人張金界奴張九思子見元史張九
思傳又虞集撰大承天護聖寺碑至順二年九月上

諭臣張金界奴云云又十月十五日陞隆祥總管府
爲隆祥使司秩從二品命太禧宗禋使臣晃火兒不
花臣撒迪臣阿麻疎大司農臣金界奴爲之使是也
明里董阿元史無傳宰相年表文宗天圖元年平章
政事有明里董阿九月至十二月二年正月至四月
文宗紀燕鐵木兒遣使馳驛迎帝於江陵者有前河
南參知政事明里董阿又天圖元年九月戊辰大司
農明里董阿大都留守闕闕台並爲中書平章政事
癸未以中書平章政事明里董阿爲江浙行省平章
政事乙酉以明里董阿爲中書平章政事順帝紀至
元六年六月丙申詔撤文宗廟主徙太皇太后石峇

失里東安州安置放太子燕帖古思於高麗又詔當時賊臣月魯不花也里已死其以明里董阿等明正典刑九月辛亥明里董阿伏誅又月魯帖木兒傳稱其爲御史時嘗劾明里董阿娶娼女冒受封及明理董阿迓皇子過河南說行省平章伯顏收之云云又別兒怯不花傳至順二年其兄自當諫止明里董阿子間閭不當爲監察御史是也管繕提點文宗紀天國二年十月己丑立大承天護聖寺管繕提點所秩正五品隸隆祥總管府又至順元年二月庚寅改萬安規運普慶營繕等八提點所並爲管繕司秩正五品碑稱安玉以至順元年進管繕司司令正與史符

百官志太禧宗禋院隆祥使司屬有護聖營繕司秩正五品達魯花赤司令大使副使各一員掌營造工匠寺僧衣糧收徵房課之事天曆二年始立大承天護聖營繕提點所三年改爲司碑又有修內司口領等字下泐攷百官志修內司無口領官其所屬大木局等八局各置提領等員此疑卽諸局提領

真定路學樂戶記

碑高四尺二寸五分廣二尺二十一行行三十六字正書篆額有陰至元四年閏八月立今在正定府學

真定路學樂戶記

真定路學樂戶記

翰林侍講學士通奉大夫知制誥同脩國史兼

國子祭酒歐陽園撰

賜進士及第奉議大夫監察御史李瀚書

正議大夫御史臺治書侍御史徐璣篆額

鎮陽郡學禮樂生通七十有八戶部刺史之所陳請肅政使者之所建明省臺部之所詳定既復其戶凡諸征繇無所與於有司矣教授趙璧學正孫誠學錄宋舉懼歲久籍漫謀壽諸石乃礱堅珉具榱桷請于郡人春官侍郎蘇君天爵訪園司成之館徵辭以記之園與蘇君俱以禮樂為職事者也記可辭乎按郡學始建置樂生十有六人春秋二仲上丁釋奠猶用俗樂延祐五年改作雅樂增置四十有五人至順二年援樂生例請設相

禮及諸執事者又置禮生二十有五人尋增置八人然後聲容文物圉然最圻內諸郡夫三代以來學校之制學者入學無不學禮亦無不學樂當時弟子員卽禮樂生也更秦廢壞漢封孫通以魯三十生及其弟子百餘人起朝儀於野外益州刺史王褒命王褒作中和樂職宣布等詩得郫縣何武與成都楊覆衆等習之宣帝以爲盛德之事召武等賜帛此禮樂生防見史傳者也今鎮陽爲河朔上郡戶口繁夥有司拔一二於千百以備一郡制作之美是豈小補哉矧封繇生之徒皆起家拜爵爲郎何武它日仕至三公人材自此塗亦未可量也余感蘇君敬共桑梓之意故以遠者大者進而勗之戶

在錄事司者二十有三曰陳惟仁李榮祖程宣差武
秀實耿順和黃興和仁曹仙康天益郭榮祖傅聚
劉進趙亨趙樛梁聚郭從劉郁李盛閆恭宋仲祿若陳
興戶之楊德新謝寶戶之王國毅皆在是數焉在真定
縣者十有五曰董子政李演劉成張斌秦溫孫爵郭秉
忠張德李文成新用李順張青谷德閆德王祺在欒城
縣者曰陳用王慶在寧城縣者曰劉口李信在平山縣
者曰李好古李楫是三縣皆二戶在古城縣者趙傑在
無極縣者吳貫是二縣皆一戶云至元四年寅閏八
月辛亥記 闕昌王節募勒鹿泉劉守信列

右記歐陽園撰李黼書徐爽篆額黼字子威穎人工

部尚書守中子累官至江西省參政行江州南康等
路軍民總管與從子秉昭俱罵賊死贈摠忠秉義效
節功臣資德大夫淮南江北等處行中書省左丞追
封隴西郡公謚忠文詔立廟江州賜額曰崇烈事蹟
具元史忠義傳又傳稱黼以禮部主事拜監察御史
碑列銜正與史合泰定帝本紀泰定四年三月丙午
廷試阿察赤李黼等八十五人賜進士及第出身有
差又歐陽圭齋集喜門生中狀元詩序云泰定丁卯
八月十二日崇天門傳臚賜進士右榜第一人阿察
赤左榜第一人李黼皆肄業國學日新齋余西廳受
業生也徐奭元史無傳順帝本紀至元元年十一月

丁酉以戶部尚書徐奭吏部尚書定住參議中書省事當卽此徐奭文爲圭齋文集所不載案碑有教授趙璧學正孫誠學錄宋舉趙璧孫誠皆無攷元史有趙璧雲中懷仁人仕世祖朝官至平章政事又張養浩歸田類稿有平江海道都運萬戶趙璧墓志銘稱璧字國寶陽穀人至大元年卒嘗僉燕南皆與此無涉又正定府志元氏縣志職官內有趙璧內黃人至正中元氏尉有善政祀名宦元制路教授命於朝廷無攷滿充縣尉之例此當別是一人宋舉見至順三年真定路加葺宣聖廟碑陰其時蓋尚充直學也禮樂志延祐五年命各路府宣聖廟樂器以宋舊樂工

施德仲審較應律運至京師秋八月於廟祀宣聖先
令翰林新撰樂章命樂工習之其曲並載禮樂志及
元文類碑云延祐五年改用雅樂正與史合又碑載
一戶之在錄事司者二十三在真定縣者十有五樂城
藁城平山縣各二戶古城無極各一戶地理志真定
路無古城縣疑卽晉州之鼓城或書碑者誤筆爾

碑陰

二截上截十九行下截二
十二行行字不等正書

將仕郎真定路總管府提控案牘兼照磨李貞

將仕郎真定路總管府知事楊仲禮

將仕郎真定路總管府知事唐裕

承務郎真定路總管府經歷李德

承務郎真定路總管府推官史天裕

奉訓大夫真定路總管府推官王文質

承直郎真定路總管府判官善應

奉議大夫真定路總管府治中張明安

中順大夫同知真定路總管府事乞台

亞中大夫真定路總管兼府尹本路諸軍與魯總管管

內勸農事松壽

朝散大夫真定路總管府達魯花赤兼本路諸軍與魯

總管府達魯花赤管內勸農事草地里

承務郎燕南河北道肅政廉訪司知事徐宗仁

承事郎燕南河北道肅政廉訪司經歷大 都

朝散大夫僉燕南河北道肅政廉訪司事韓希孟

朝散大夫僉燕南河北道肅政廉訪司事肖家奴

朝請大夫僉燕南河北道肅政廉訪司事王 瓚

奉政大夫燕南河北道肅政廉訪副使宋紹明

通奉大夫燕南河北道肅政廉訪使吳秉道

亞中大夫燕南河北道肅政廉訪使禿堅里不花

右上一截

禮生司儀 陳復 田友賢 牛思禮 仝思政 陳

居仁

舉事 張昇 郭居仁 韓睿

司儀 孫希祖 竇思明 王範 李復

齋諭 楊德榮 劉祺 孫宗虞 安俊德

齋長 掌儀史秉直

直學畢士藩 司書牛思智 掌樂和玉

教授趙璧 學正孫誠 前學錄宋舉 學錄彭道裕

學官 趙珪 郝士元

典吏 馬伯彥 馬道遠 陳良弼 呂華

奏差 杜巖 必式溫 粘合亭 王天鐸 王禎

高守誠 張謙 王岱 程一允 張祖信 高汝翼

固魯八達 張思難 傅汝膏 單質

書吏

通事桑哥失里

譯史耿知本

右碑陰官吏銜名二截並左讀上截左八行燕南河北道廉訪使屬右十一行真定路總管府屬元制肅政廉訪司每道副使二員此僅一員僉事四員此止三員又有照磨兼管勾一員此無疑書碑時適當諸人遷調之候官闕無人故不書爾碑有廉使禿堅里不花案元史賈昔刺傳曾孫禿堅不花襲世職歷事世祖成宗武宗仁宗累官金紫光祿大夫宣徽使英宗卽位帖失譖殺之又虞集宣徽院使賈公神道碑作公諱禿堅里不花姓賈氏世爲大興人年代不符

與此無涉又元史道童傳有賊起蘄黃平章政事禿
堅里不花將兵捍江州未知卽是人否又廉使吳秉
道泰定帝紀泰定二年九月戊申朔分天下爲十八
道遣使宣撫以翰林侍講學士帖木兒不花秘書卿
吳秉道之京畿道又文宗本紀有參議中書省事吳
秉道當卽其人又副使宋紹明卽順帝紀至元三年
諫獵柳林之人又有經歷大都案至正十二年正秉
彝撰中山聖廟禮器記碑陰銜名有奉政大夫中山
府達魯花赤大都未知卽是人否又武宗紀至大三
年有知樞密院事大都官位相懸與此無涉又總管
府達魯花赤草地里已詳至順三年眞定路加葺宣

聖廟碑陰改又總管兼府尹松壽宰相年表顯帝至
正十一年參知政事內有松壽分省濟甯疑卽此人
又同知總管府事乞台元史有乞台察台氏金符千
戶與此是兩人又下截題名有通事桑哥失里元史
宰相年表至正十四年右丞內有桑哥失里蒙古色
目人名同者多未必卽是一人也餘俱無攷

石香爐題字

高一尺二寸八面每面廣三寸五分面各二行行字
不等正書至元六年七月一日立今在正定縣城南
十里

詩句不錄

大元至元六年歲次庚辰孟秋甲申朔日壬子建

山北遼東道肅政廉訪司書吏王彬立

男王克己書 石匠刘源刊

元氏縣重修佛堂院記

碑高四尺六寸廣二尺三寸二十三行行字不等
有額並正書至正三年二月八日立今在元氏縣

郭鏞壽鄭寘春

維大元國山東河北西路真定府元氏縣龍泉鄉墨池
佛堂院記

國子典籍王彝撰 書 篆 侍筆僧人耿智戒

墨池之有佛堂院肇自往昔歲久廢圯無與居迨盛世
佛事加重慶者以興圯者以葺由是人知所瞻仰是院
密迹城邑界乎封龍槐水之間地稱勝焉甲寅初里維

那人劉全等咸謂祝延焚修國之盛事有利。此尚可
虛乎。即狀請各僧以居之。僧廣遷得洪祖。心印。恒領
本邑。括壁普淨院。又嘗住持。後有贊皇蒲泓壽聖院。後
獨。為衣鉢傳其徒。文慶。文峯。文蒲。文慶。代領。類。德。衆
力。昔。第。有。院。地。廣。袤。餘。無。給。文。慶。能。增。野。田。度。銀。法
步。得。七。千。有。奇。一。再。傳。法。嗣。智。德。智。成。智。興。俗。姓。耿。性
俟。盡。善。羸。存。羨。積。復。益。常。住。地。三。倍。於。前。加。飾。堂。殿。像
設。煥。耀。一。新。院。門。愈。曰。大。美。智。興。常。自。感。曰。向。匪。二。師
孰。創。孰。守。不。有。表。誌。厥。後。奚。徵。遂。刻。石。儔。功。重。託。槐。僞
媻。韓。公。教。授。子。文。丐。余。書。顛。末。予。以。友。善。故。弗。敢。辭。又
且。嘉。其。僧。克。廣。術。業。知。所。報。本。不。忘。乎。遠。方。告。之。曰。□

事西方者奮然有歸識民生於三之一又能慕儒文殆亦浮屠上人之流亞也繼而擴充生賜之大則豈特緣果之典而寔彼善於式也為作歌以記云

封龍之野 槐水之陽 棟宇翬飛 曰古佛堂 有

金其像 赫赫煌煌 化我東土 出彼西方 流傳

歲久 不無廢荒 廣遷未守 文慶繼堂 歷乎三

劫 院門愈昌 其術伊何 妙探渺茫 人膠見聞

恬以為常 月有智典 報奉昭彰 出彼人此

云胡不憾 歌以記之 既掄且揚 緇衣之好 尚

鑒弗忘

至正三年二月上旬八日 將仕郎真定路元氏縣主

簿張曼高

承事郎真定路元氏縣尹兼管本縣諸軍與魯勸農事
王良卿 立石人僧耿智典

承務郎真定路元氏縣達魯花赤兼管本縣諸軍與魯
勸農事線曲律不花 唐山縣芥村石匠孫敬□

右碑王彝撰書字上空二格篆字上空三格下題侍
筆僧人耿智戒碑非篆額而此忽題一篆字者此碑
當出智戒之手彼不知碑額有篆額題額之分以爲
凡有額者皆宜書篆額爾王彝元史順帝紀至正十
八年十月乙酉監察御史荅兒麻失里王彝等劾右
丞相搠思監請正其罪疑卽此人葬列銜爲國子典

籍案百官志國子監有典簿一員別無典籍之職蓋
史之缺略也額題郛鏘器鄧賓吞六字正書郛字見
集韻鉏弓切音崇國名鏘器二字字書無廣韻有吞
字烏猛切音普集韻又古猛切音橫龍龕手鑑謂六
台清明也道書謂元始上皇丈人名鄧字見說文邑
部地名從邑臺聲臺古堂字篇海賓王眷切音院垣
院也集韻吞涓惠切音桂姓也案碑額題此六字疑
卽重修佛堂院記蓋借郛爲重借吞爲記而又誤作
眷字道書旣以吞字爲元始上皇丈人名釋家以西
天爲佛國故加西字於吞字上以爲佛字也真定府
元爲真定路無山東河北西路之名金爲河北西路

碑立於元至正初而標題忽稱金時故名亦殊可怪

碑陰

題名五截行數字數
不等有額並正書

琺珎堯聖

僧俗人名不錄

右碑陰有額題琺珎堯聖四字正書珎字說文玉部

琺玉之珎从玉且聲餘三字字書不載音義未詳當

是釋氏所造之字題名有國子典史劉士淵從仕郎

曲靖等路宣慰使司兼管軍萬戶府都事李友直友

直名前見延祐二年開化寺聖旨碑陰及至元十九

年重脩廟學記碑陰士淵無攷典下脫一字當是國

子典籍典簿之類又題墨池維那來相助緣八字下有題名二十三人蓋皆墨池助緣人也維那本僧人之稱六朝以後碑碣皆假爲檀越之義北俗稱外祖爲老爺此刻已有老爺舅舅之稱蓋由來已久福祥下泐一字當是院字見金大定二年禮部福祥院牒方志亦失載

內供奉董公墓碑

碑高五尺五寸廣二尺七寸二行行五字題款一行並正書無年月今在棗城縣南董村墓上
有元故內供奉董公之墓

資德大夫江浙等處行中書省左丞肅齋公為姓口

書

王伯順刊

右碑題肅齋公爲姪口書下刻王伯順刊四字無年

月姪下字泐左旁似從金攷彙城董氏由內供奉海

擢他官者如士珍曾孫輔臣見歐陽原功清守義第

三子錖見揚侯斯武皆是其終於內供奉者惟守簡

長子鉞黃潛忠肅公神道碑謂鉞能稱其家不幸前

卒肅齋當是士珍次子守庸之字蓋鉞之伯父也守

庸元史無傳歐陽原功清獻公神道碑撰於至正四

年稱守庸官資德大夫江浙行中書省左丞正與此

碑合歐陽碑撰於至正四年黃碑撰於至正八年虞

碑建於至正八年此碑當亦建於前後數年間故附

於此

御史中丞董守簡墓碑

碑高九尺五寸廣三尺五寸五分二行行七字款
一行並正書無年月今在彙城縣南董村墓上

大元故榮祿大夫御史中丞董公墓

翰林學士承旨榮祿大夫知制誥口修國史

張起巖書

右碑張起巖書攷彙城董氏仕元位終御史中丞者
惟清獻公士珍忠肅公守簡父子清獻階至資政大
夫此碑作榮祿與虞集撰忠肅公神道碑同知係守
簡墓碑守簡元史無傳事蹟詳虞碑及黃潛撰忠肅
公神道碑碑無立石年月案守簡薨於至正六年五
月葬於六月黃碑稱至正八年春二月制贈故御史

中丞董守簡推誠佐治濟美功臣榮祿大夫河南江北等處行中書省平章政事柱國追封翼國公謚忠肅此碑不載贈官賜謚當是初葬時所立

龍興寺通照大師碑

碑高七尺五寸廣二尺七寸二十八行行七十三字行書篆額失拓至正六年八月立今在正定府城內隆興寺

真定府龍興寺鈔主賜紫沙門通照大師之碑

將仕郎僉浙東海右道肅政廉訪司事贈思撰

奉直大夫僉湖東江西道肅政廉訪司事威茂氏安

童書

承直郎僉河東山西道肅政廉訪司事楊俊民篆額

太上立德其次立功其次立言蓋德充於身功著於世而言垂於後功德匪言不傳是知立言之功有益於德也後世著述之已口皆宗之推及方外亦莫不然釋門著述之事世恒有矣鈔主通照大師亦其人焉師賈姓世居稟之北瓦亭其生也有異岐嶷而嬉戲無塵俗氣迥不與常兒同成童二年以親命禮真定龍興主寺僧崇深於慈氏院歲中遇恩披剃受具戒乃名以守千既勤時述機警無倫前脩疑義率多剖析意優言簡聞者驚愕喜得未聞歸校貝文吻若合符叢林耆舊曰妙齡穎脫姿秉絕人世間之良璞也非大匠蔑以成其器乃共資給之俾通汴京禮智千法師既達愛唯識回明諸

論千訝其敏捷待以上足垂終而顧謂之曰我後可就
琳唯識終爾業既沒而□琳琳亦與進焉未幾惠性赫
然無幽不燭琳愈重之請為衆指決唯識回明等義即
在京義學大集於會扣問景興從容酬會咸見厭服間
有達唯識輩以疏文淵奧析製徑捷以惠後學師諾而
不辭爰求參問以便述作聞京北廣嚴院墓域中有凶
室入輒□惟人□久矣師往居其中三年畢成唯識顯
論鈔隨善改科樞要科了義燈顯正鈔并科回明羣焰
鈔類成事嘗有同郡僧江等往省焉見室中積塵沒足
惟由戶一徑而外無餘蹤江三歎師之主一而不他適
也□製旣傳義學宗之以為準的元祐八年九月宣仁

聖烈太皇太后崩朝貴僧司舉師入內追薦回錫紫衣
既罷而出京慈雲首座自學士王案具疏備儀請師復
入廣播園風繼之以在京口利如陳寺及隆壽院多儀
厚幣懇請率皆見却惟奉先院以賜號勅牒至師不欲
方命尅勉受之遂有通照大師之稱然亦終不止而北
遠知軍府事呂龍圖嘉問慕師道業齋沐易衣具疏請
教師謝不敏雖懇至再三卒不見允嘗居邢州龍興寺
釋迦院杜門兀坐緇繹園微諸方上謁者悉不與接太
守待制錢某介同寅從行往焉師諭其誠篤乃與之語
後數造之久而懇請受戒乃依藏教集近事戒本一卷
付之師平生秉筆率非由己而悉有所請幽贊怪嗣記

并科從安平詔教二僧請作於獲鹿崆峒山法苑章西
觀記并科菩薩戒經欲受記并科上生經時應鈔并科
從大衆請作於長慶奉惠寺曰明過類疏究源集從郡
僧江請作於瑜伽山瑜伽曰章曰鈔揉瑜伽疏彙綜并
科下瑜伽入倫疏論脚從戒師惠照請作於鄂西大悲
寺倫疏科從汴京明僧錄請作於堯山遵善寺凡十有
五作兼前作而計之為卷者一百五十皆盛行於世曰
○○主之名而遠紹慈恩矣亡金天會四年冬十月許
王宗傑陷真定介重臣之位三公者數人造謁蓋雖異
境已歆聲聞故下車而投體觸禮以咨大義且求新製
遂以欲受記俾之相與欣戴而歸於是德馨徧敷於一

國師性枯寂寡合不混時俗惟以法義為心故交接極簡凡居處必求□僻專□杜絕雖然海上義學四遠檀信風從雲集莫可止謁其不蒙結納者慚無容所人亦以此少之是以雖欲遷避終亦莫能後居府中開元寺崇法院年雖耆耄課誦不衰日以梵綱經十上生經五為程天會五年丁未季夏中旬三日微示小恙乃白吾緣盡矣遂發紫雲磬竭蓄積惟存紙衣一襲餘皆散施設齋以助善業越六日十九遺囑曰此軀淨可厭棄不宜曰而枉費髮以敗席置之中野濟諸衆生以結妙緣勿令人知翌日二十入夜易紙衣誦梵綱畢長卧右側合掌加額謝衆而逝師誕於宋治平甲辰入道於元豐

庚申脫屣於金天會丁未為年六十有四夏鵬四十有
七門資具儀迎歸府西畢家原之祖塋而火化之燼間
得白色舍利良多就塔而藏於域中後世學者瞻禮不
輟國朝至大初口滹水犯城郭塔亦隨圯而勦跡奉
百住持龍興寺崇琛國教嗣法之雲仍也銳意於追復
而沒齒不獲嗣續住持智心曰時邁師亡重任在我先
塋通照祖師之跡泯矣終不可復但存餘馥於故居亦
足稍裨不逮乃礪樂石持僧厚所狀行跡謁文于予乃
為叙而銘之銘曰

道本無言

匪言莫宣

寓道於言

猶魚與筌

泝

流求源

立言實先

疾誰其賢

豈惟師干

提繫

懷銘 如蟻慕羶 既得復傳 雅志彌堅 基域三

年 一徑蜿蜒 凶室無毡 神欽鬼遷 死灰復然

思若湧泉 槁木更妍 健筆如椽 究竟真詮

味徹中邊 已事高蹇 報往非遄 於耆耄年 謝

絕塵緣 遺澤如川 終古綿綿

朝散大夫真定路總管府達魯花赤總管府兼本路諸
軍奧魯總管府達魯花赤管內勸農事草地里

至正六年八月吉日 龍興寺住持講主智心 并

衆執事等 立石

獲鹿石匠郝德聰刻

右碑瞻思撰安童書楊俊民篆額元史有丞相東平

忠憲王安童爲木華黎曾孫薨於成宗時與此無涉
順帝本紀至正十八年二月辛卯以安童爲中書參
知政事又見宰相年表此碑安童稱威茂氏攷蒙古
七十二種色目三十一種漢人八種及金人姓氏無
姓威茂者楊俊民元史無傳惟見順帝本紀至正十
六年二月己卯命集賢直學士楊俊民致祭曲阜孔
子廟仍葺其廟宇正定府志楊俊民墓在城東有墓
碑元國史編修蘇天爵撰今滋溪文彙無此文府志
謂俊民眞定人登進士第爲翰林編修歷山西廉訪
僉事入爲禮部郎中陞國子司業遷集賢直學士至
正中命祭曲阜宣聖廟并葺祠宇還拜國子祭酒文

學政事著聞於時有淳川文集然滋溪集新樂壁里
書院記有監察御史楊君俊民表以書院之號之語
則俊民又曾爲監察御史守千見續文獻通攷仙釋
攷及正定府志王案宋史附其父王韶傳傳云案字
輔道好學工詞章登第至校書郎宣和中以左道爲
林靈素所陷棄市東都事略韶傳稱案嘗著作東觀
後爲兵部侍郎以左道誅皆不言其爲學士風月堂
詩話及夷堅志載其遺詩稱王輔道學士然則是史
傳失書矣呂嘉問字望之官至龍圖閣學士大中
夫卒贈資政殿學士事蹟詳宋史本傳史載其官至
龍圖閣學士而不言其曾以龍圖出知成德軍則此

碑可以補史傳之漏略矣碑云金天會四年冬十月
許王宗傑陷真定攷宋金二史陷真定者是宗望非
宗傑宗望本名幹離不天會十三年封魏王皇統三
年進許國王徙封晉國天德二年加遼燕國王大定
三年改封宋王見金史本傳又太祖諸子傳宗傑本
名沒里野天會五年薨天眷元年追封越王大定間
進封趙王別無封許王及破真定事又宗望陷真定
守臣死難者有知府事李邈真定府路都鈐轄劉翊
見宋史忠義傳又金史太宗本紀天會四年九月辛
未宗望破宋种師閔軍於井陘取天威軍克真定殺
其守李邈十一月丙寅宗望自真定趨汴宗望傳亦

云宋种師閻軍四萬人駐井陘宗望大破之遂取天
威軍東還遂克眞定殺知府李逸得戸三萬降五縣
遂自眞定趨汴據此知碑之作宗傑者誤也碑載崇
琛所撰諸書明焦竑國史經籍志及今刊本大藏經
皆不收郭西大悲寺卽今城西之斜角頭寺其說已
詳宋端拱二年龍興寺重修鑄像閣碑跋

碑陰

題名七截第一第二第三各二十三行餘四列二十
二行行四字題名上橫列閻寺廊下僧衆六六字並
書正

閻寺大小僧衆

僧名不錄

八月吉日見寺主崇妙等同立石

龍興寺住持佛光國教大師碑

碑高六尺七寸廣三尺一寸五分二十七行行六十九字行書篆額失拓有陰至正六年八月立今在正定府隆興寺

住持真定龍興寺臨壇大德講經律論沙門佛光國教大師之碑

將仕郎僉浙東海右道肅政廉訪司事臚思撰

奉直大夫僉湖東江西道肅政廉訪司事威茂氏安

董書

承直郎僉河東山西道肅政廉訪司事楊俊民篆額
歷乾之教以斯世為缺陷以四大為假口故以倫理為

虛妄然亦有言曰我不以出世法害世間相四恩之報
因而弗替其法東流震曰而師口口義興口口隆至
正丙戌之春孟春

有住持真之龍興寺智心介諸山來謁曰我師亡矣大
恩未報將勒高德於貞珉以圖不朽庶幾萬一今園璞
已具惟子文之予亦尚其義而不辭按其狀曰師中山
人世居無極之鄰重傳其俗姓也甫亂而心存物外即
有空門之盟童年求遂其志父命祝髮於真之龍興寺
辯才大師之口遂諱崇琛從居法照院服勞之餘徧游
名勝以廣見聞冠歲受具足戒之力既優惠根斯植選
進求道不遠千里乃造汝園闕元寺大德量論主席下

量亦器之既聞唯識等論心觀澄澈洞達幽園披文了
義一目不遺遂博及羣經探索與義孜孜六載卒傳衣
法而還既至則聲譽日隆寺衆輪誠禮請住善遂尸講
席三載二宗隨緣指授請益者百餘率多開悟心地洒
然塵消冰釋悅不自勝或至扑躍大德之初厭棄有漏
乃抗志轉大藏閱貝章以期究竟遂不出院者九年回
以密巖自號既終其業乃遂所有迎佛寶于七家大啓
法筵精脩壇□而行事者七晝晦垂畢而光景現觀者
謂之有感後而悉素衣鉢以葺故居法照院不足而豪
右仗之殿廡以降重一案然延祐丙辰奉

聖書住持真定龍興寺奉宗以佛光國教大師為號

先是廊下耆僧以次循環主領至是而更端為第一代矣既蒞叢林尤摠丹懇大振宏綱而略其瑣屑向公如私恕人猶已理財正辭率循僧律而不妨世法衆皆安之茲事赴功靡弗集於焉興頓起廢巨細無遺而並嚴盡飾下逮門墻咸增葩藻食儲帑積有贏無匱蒸徒賴焉時寺門多故率皆重難如

勅天圍觀音閣賜金三匱鈔三十五萬緡朝官董役而務繁功費僧俗騷然師周旋其間曾無失措未幾復命功德使阿刺不花增飾大悲像仍以五千緡置長明燈使與師言大被感激而極輸誠歎將歸之際施與良多至治癸亥泰定丙寅再欽

新命之光華趙王之屬山前十路都總管八都魯以是
職來真定遇師而深慕之竭誠景仰奉供造禮不虛旬
日恪勤無心執弟子口者有年於卒也傾其愜笥凡為
財貨珍具容飾者悉出以市郭西李氏園創崇聖報恩
寺仍以畜產財物為資贖幸族屬列狀延師為主乃受
而兼領之中山慈氏院作資戒會主僧普定疏請臨壇
傳戒赴之而獲濟者甚衆師生平一念勤脩夙夜匪懈
講席不斂於寒暑日程則法華經准提咒各一旁及餘
品亦恒有加至元復號歲次乙亥季冬閏月疾革乃集
闔府耆德大建法會且以浮財二千五百緡付常住為
終身錢付報恩之數亦同六日甲申儼然坐逝得年六

十有一僧騰四十有七越七日庚寅發引執紼者闐噓
既夕禮畢夜雨沛然在冬為異至是而齋路□盡滯衆
始竒之茶毗之際光焰異常火炮而得舍利五色者百
餘門戒諸資合靈骨四拆之各建塔以藏焉剃度弟子
三十人嗣法者亦如其數師豐體而厚貞內剛而外柔
神□而氣和言動簡默其接人也雍容其持已也介鷲
明律解義性相兼綜實四道之果僧也既披之文遂為
之銘曰

明哲應化 本根無虧 夙能返照 願與世違 一
變至道 三染成緇 負笈千里 歸有餘師 行脩
德立 梵俗歸依 十載敷陳 澤潤羣資 九年披

闕 堅闔兩扉 綸音三錫 命使再馳 志行功遂

世緣有期 示疾告終 順適無為 豐碑純寶

遺範永垂

朝散大夫真芝路總管府達魯花赤總管府兼本路
諸軍奧魯總管府達魯花赤□□勸農事草地里

助緣

至正六年八月吉日龍興寺住持講主 智心 并

衆執事等 立石 獲鹿石匠劉守敬刊

右碑贍思撰安童書楊俊民篆額與通照大師碑同
時所刻阿剌不花見延祐四年祝延聖主本命長生
碑八都魯見轉大藏經記崇聖報恩寺正定府志不

載達魯花赤草地里住持智心等皆見前

碑陰

四截上截刻記十九行行十字二截題名三列共二十
三行三截題名三列共十二行四截題名三列共二
十七行行字
不等並正書

真定龍興寺住持宗緒記

真定龍興寺其來遠矣于今可考其興造者惟隋碑存
若門庭規矩則跨唐恩宋無跡可稽

國初主寺者以行輩甲乙輪次更代及延祐丙辰臨壇
大德講經律論沙門佛光因教大師崇琛始奉

聖書住持蓋重開山第一代矣凡三傳而至第四代因
聖普照通明圓覺大師智心慮宗緒之紊亂乃列其次

而刊諸石且誌其上以示永久時至己酉戊仲秋之上
旬也

右
上
截

住持講主佛光國教大師密嚴嗣法門資

古城讓講主 獲鹿明講主 藁城園講主 新樂進

講主 南化和講主 慈上量講主 本寺妙講主

清塔濟講主 魯柏亮講主 臺頭口講主 開元萬

講主 太原毅講主 興化貴講主 樂城仁講主

四川園講主 龍平就講主 三教鑒講主 沁州義

講主 興州榮講主 本寺鏡講主 金佛寬講主

報恩心講主 奉恩運講主 法花秀講主 太原勝

講主 平山相講主 奉元路添講主 無極銅講主

法照清講主 高邑理講主 寧進資講主 高邑

嚴講主 函進仁講主 法華祥講主 下生喜講主

本刹瑞講主

僧名不錄

至正六年八月吉日見寺主崇妙等同立石

右碑陰僧名上各冠其駐錫之地或所居之寺古城

當是鼓城見後至元四年真定路學樂戶記清塔疑

卽青塔今正定臨濟寺有青塔是魯柏卽靈壽魯柏

院臺頭卽樂城之善衆寺開元卽正宥之開元寺報

恩卽碑中所稱之崇聖報恩寺法照法華下生疑卽

龍興寺之廊下院見大德五年重修大覺六師殿記
碑陰其餘皆無攷

常山貞石志卷二十一